

人物志一

光緒順天府志九十一

先賢一

南海廖廷相纂江陰繆荃孫覆韞

漢

韓

嬰

孫商

徐樂

韓延壽

韓福

後漢

蓋延

寇恂

曾孫榮

盧植

三國魏

田疇

田豫

閻柔

盧毓

徐邈

張特

蜀

張飛

簡雍

晉

盧欽

子浮 姪志 志子 謹

張

華子麟

劉沈

霍原

前燕

陽裕

陽騫

李產子績

周存

宋

張穆之

齊

鮮于文崇

盧紹之

梁

張宏策

子緇 緇

成景儁

盧廣

魏明帝時撰海內先賢傳見於舊唐志晉長仲毅撰山陽先賢傳見元和姓纂嗣是厥後撰述甚夥大抵追述里閭景仰名德遺言逸事甄采靡遺所以傳前哲之風規示後人以法式意至美也紀錄順天人物始陽休之幽州人物考書久不存若左伯桃羊角哀僅見小說周醜子家行事無考景仰流風難以立傳惟韓太傅經明行修卓然爲西漢大師故志人物以之託始謹用阮文達儒林傳例肇積成語間坳考異自漢至明類同史鈔近時所益全据采訪庶免瞻徇之失不無陋略之譏也志先賢

漢

韓嬰

史記作生

燕人也孝文帝時爲博士景帝時至常山太傅其人精

悍處事分明

漢書儒林傳

武帝卽位招賢良文學之士言詩於魯則申

培公於齊則轅固生於燕則韓太傅其語頗殊然其歸一也

史記儒林

傳 嬰推詩人之意漢書列傳為韓故三十六卷內傳四卷外傳六卷韓

說四十一卷漢藝文志四庫提要附錄韓詩外傳十卷歲久散佚惟韓故二十二卷新唐書尚著錄歐陽修稱今但

存外傳則亡在北宋間外傳至今尚存或取春秋采雜說咸非其自隋以後較漢志多四卷蓋後人所分

本義漢志謂指外傳之類淮南賁生受之自是之後燕趙言詩者由

韓生史記列傳韓生亦以易授人推易意而為之傳燕趙間好詩故其

易微漢書列傳韓氏二篇漢志唯韓氏自傳之武帝時嬰嘗與董仲舒論

於上前仲舒不能難也漢書列傳按武帝云云漢書承韓氏自傳之下當指易言經典釋文序錄屬之韓

詩非是孫商為武帝博士史記列傳孝宣時涿郡韓生其後也以易徵待

詔殿中曰所受易即先太傅所傳也嘗受韓詩不如韓易深太傅

故專傳之蓋寬饒見韓生說易而好之即從受焉漢書列傳按

僅稱郡國年代既遠無從確考燕涿漁陽范陽廣陽雖不盡今府地而屬府地者多又其治皆在今府屬故凡古所稱此諸郡國人

者今皆纂入至舊志所載如周郭隗見國策史記者但言燕昭王師事之其為燕人本無明文漢蒯徹史漢以為范陽人范陽漢屬

涿郡據一統志為今保定府定興縣地與唐以後范陽不同後漢  
王梁見范書列傳者言漁陽安陽人攷郡國志漁陽郡有安樂無  
安陽安陽或安樂今順義之譌然蔚宗言郡縣多用前漢舊名班  
志漁陽郡有安樂有要陽故蓋延傳言漁陽要陽人則安陽亦難  
定其非要陽之譌也嚴授見范書獨行傳鮮卑傳者祇言漁陽兵  
馬掾漢掾屬雖多除用本郡人然京房傳言房為魏郡太守自請  
得除用他郡人則亦有不盡然者酈炎見范書文苑傳者為范陽  
人與蒯徹同北齊祖鴻勳隋盧楚史傳皆言涿郡范陽人蓋亦沿  
漢舊郡名非今府屬故不錄

徐樂燕郡無終人

漢書列傳史記作趙人

元光元年上書言世務

史記主父偃傳

漢紀屬元光二年之上通鑑改繫元朔元年考異曰漢書主父偃  
云元光元年三人上書案嚴安書云徇南夷朝夜郎降羌熒畧巖  
州此等事皆在元光二年後蓋誤以朔字為光字耳攷史記西南  
夷傳建元六年大行王恢擊東越東越殺王郢以報恢因兵威使  
番禺令唐蒙風曉南越南越食蒙蜀枸醬蒙歸問蜀賈人言獨蜀  
出枸醬多持竊出市夜郎夜郎臨牂牁江足以行船南越以財物  
役屬夜郎西至同師蒙乃上書言制越請通夜郎上許之云云然  
則略通西南夷之議早發於建元六年故嚴安書言今欲徇南夷  
云云又言議者美之漢書取史記刪去今欲二字通鑑遂據為  
已然之事改上書屬元朔殊誤漢紀屬二年與史漢異亦誤

臣聞天下之患在於土崩不在瓦解古今一也何謂土崩秦之末

世是也陳涉無千乘之尊尺土之地身非王公大人名族之後鄉  
曲之譽非有孔曾墨子之賢陶朱猗頓之富也然起窮巷奮棘矜  
偏袒大呼天下從風其故何也由民困而主不恤下怨而上不知  
俗已亂而政不脩此三者陳涉之所爲資也此之謂土崩何謂瓦  
解吳趙齊楚之兵是也七國謀爲大逆號皆稱萬乘帶甲數十萬  
威足以嚴其境內財足以勸其士民然不能西攘尺寸之地而身  
爲禽於中原者其故何也非權輕於匹夫而弱於陳涉也當是之  
時先帝之德未衰而安土樂業之民眾故諸侯無境外之助此之  
謂瓦解此二體者安危之明要賢主之所留意而深察也間者關  
東五穀數不登年歲未復民多窮困重之以邊境之事推數循理  
而觀之民宜有不安其處者矣不安故易動易動者土崩之執也  
故賢主獨觀萬化之原明於廟堂之上而銷未形之患也其要期

使天下無土崩之執而已史記主父偃傳漢書時主父偃嚴安同

日上書漢紀十一書奏天子召見謂曰公等皆安在何相見之晚也乃

拜樂為郎中數見上疏言事詔遷樂為中大夫史記主父偃傳武帝自即

位好士既舉賢良赴闕上書自衛者甚眾樂以材能在左右每大

臣奏事令與辨論之中外相應以義理之文漢紀十一

韓延壽字長公燕人也少為郡文學父義為燕郎中漢書元鳳元

年燕王旦謀反漢昭帝紀義數諫數字據燕王旦傳補而死燕人閔之漢書久之

文學魏相對策以為日者燕王無道韓義出身疆諫為王所殺義

無比干之親而蹈比干之節宜顯賞其子以示天下明為人臣之

義乃擢延壽為諫大夫通鑑二遷淮陽太守治甚有名徙潁川漢書

列傳承趙廣漢搆會吏民之後俗多怨讐延壽改更教以禮讓召故

老與議定嫁娶喪祭儀品略依古禮不得過法百姓遵用其教賣

偶車下里偽物者棄之市道通鑑二數年徙為東郡太守漢書政

治大理吏民畏而愛之其或欺負之者延壽痛自刻責吏民聞之

自傷悔不復欺犯漢紀二十其縣尉至自刺死及門下掾自剄人救之

不殊因瘖不能言延壽聞之對掾吏涕泣遣鑿治視厚復其家延

壽嘗出臨上車騎吏一人後至敕功曹議罰白還至府門門卒當

車願有所言延壽止車問之卒曰孝經曰資於事父以事君而敬

同今日明府早駕久駐未出騎吏父至府門不敢入騎吏趨出謁

適會明府登車以敬父而見罰得毋虧大化乎延壽舉手輿中曰

微子太守不自知過歸舍召見門卒卒本諸生漢紀作老書生聞延壽賢

無因自達延壽遂待漢紀作特用之其納善聽諫皆此類也在東郡三

歲令行禁止斷獄大減為天下最漢書列傳宣帝神爵三年入為左馮

翊漢百官表行縣至高陵人有兄弟訟田自言者延壽大傷之身自責



稱病不聽事臥傳舍而縣令丞三老亦自繫待命於是訟者自悔

皆髡鉗肉袒謝罪以田相讓及死不敢復爭延壽見勉勵之乃起

視事郡中翕然轉相勸勵漢紀二十恩信周徧二十四縣莫敢以辭訟

自言者推其至誠吏民不忍欺給延壽代蕭望之爲左馮翊望之

遷御史大夫漢書列傳以延壽代已而有能名出已之上故忌害之欲

陷以法漢書傳注聞延壽在東郡時散放官錢千餘萬使御史案之延

壽聞之卽部吏案校望之在馮翊時廩犧官錢散放百餘萬望之

自奏職在總領天下聞事不敢不問而爲延壽所拘持上由是不

直延壽各令窮竟所考望之卒無事實而望之遣御史案東郡者

得其試騎士日奢僭踰制又取官銅物候月食鑄刀劍效尙方事

及取官錢私假徭使吏治飾車甲三百萬以上延壽竟坐不道棄

市通鑑二十七光祿勳楊惲上書訟之不得漢書楊吏民數千人送至

渭城老小扶持車轂爭奏酒炙延壽不忍距逆人人爲飲計飲酒

石餘使掾史分送謝者遠苦吏民延壽死無所恨百姓莫不流涕

漢書時五鳳元年也見漢宣帝紀延壽爲吏上禮義好古教化所至必

聘其賢士以禮待用廣謀議納諫爭表孝弟有行春秋鄉社陳鐘

鼓管弦盛升降揖讓及都試講武設斧鉞旌旂習射御之事治城

郭收租賦先明布告其日以期會爲大事吏民敬畏趨嚮之又置

正五長相率以孝弟不得舍姦人閭里什伯有非常吏輒聞之姦

人莫敢入界其始若煩後吏無追捕之苦民無箠楚之憂皆便安

之黃霸代延壽居潁川因其迹而大治漢書然訐上不信以失身

墮功哀哉漢書傳贊司馬溫公曰周禮司寇之法有議能延壽

乎揚子以延壽之愬蕭爲臣之自失夫所以使延壽犯上者望之激之也上之不察而延壽獨蒙其辜不亦甚哉延壽三

子皆爲郎吏且死屬其子勿爲吏以己爲戒子皆以父言去官不

仕至孫威迺復爲吏至將軍威亦多恩信能拊眾得士死力又坐

奢僭誅延壽之風類也

漢書列傳案史言延壽以禮義教民儀品不得過法何至自蹈奢僭罪至棄市御

史所素者不過車騎服色間耳况御史即望之所遣者也司馬公謂上之不察殆有微詞歟威亦延壽風類其所坐恐亦類此

韓福者涿人以行義修潔著名昭帝時霍光秉政表顯義士郡國

條奏行狀天子謂福等五人行詣最高徵至京兆病不得進元鳳

元年詔策曰朕愍勞福以官職之事賜帛五十匹遣歸其務修孝

悌以教鄉里福歸終身不仕卒於家

高士傳云涿郡韓福以德行徵而無

事實今據高士傳補入

後漢

蓋延字巨卿漁陽要陽人也

案要陽今密雲縣東南郡都尉治

身長八尺彎弓三

百斤邊俗尙勇力而延以氣聞歷郡列掾州從事所在職辦彭寵

爲太守召延署營尉行護軍

後漢書列傳

時王郎遣將徇漁陽上谷急

發其兵北方疑惑多欲從之

通鑑紀事本末二十九

延與吳漢同謀歸光武

後漢

書列傳

并與狐奴令王梁同勸寵

續漢書

寵甚然之

後漢書吳漢傳

乃發步騎

三千人以吳漢行長史與延及王梁將之南攻薊殺王郎大將趙

閔

紀事本末二十九

延至廣阿拜偏將軍號建功侯從平河北光武即位

以延為虎牙將軍建武二年更封安平侯遣南擊敖倉轉攻酸棗

封邳皆拔其夏督駙馬都尉馬武騎都尉劉隆護軍都尉馬成偏

將軍王霸等南伐劉永故更始將蘇茂與俱軍中不相能茂遂

反據廣樂降永延等擊破永別將遂圍睢陽數月

通鑑輯覽二十一

晝收

野麥夜梯其城入永驚懼引兵走出東門延追擊大破之永棄軍

走譙

後漢書列傳

茂與佼彊周建合軍三萬人救永延與戰於沛西大

破之茂奔還廣樂彊建從永走保湖陵

通鑑輯覽十八

延遂安沛楚臨淮

修高祖廟置嗇夫祝宰樂人三年睢陽復反城迎劉永延復率將

圍之百日後漢書列傳城中食盡永與茂建走鄴後漢書劉永傳延追急永將

慶吾斬永首降蘇茂周建奔惠垂四年春延又擊蘇茂周建於蕪

進與董憲戰留下皆破之因率平敵將軍龐萌攻西防拔之復追

敗周建蘇茂於彭城茂建亡奔董憲將賁休舉蘭陵城降憲聞之

自剡圍休後漢書列傳延及平狄將軍山陽龐在楚請往救之帝敕曰

可往擣剡則蘭陵自解延等以賁休城危遂先赴之憲逆戰而陽

敗退延等因拔圍入城明日憲大出兵合圍延等懼遽出突走因

往攻剡帝讓之曰間欲先赴剡者以不意故耳今既奔走賊計已

立圍豈可解乎延等至剡果不能克而董憲遂拔蘭陵殺賁休通鑑

紀事三延等往來要擊憲剡將於彭城剡邳之間戰或日數合頗

有尅獲帝以延輕敵深入數以書誡之延上書辭曰臣幸得受干

戈誅逆虜奉職未稱久留天誅常恐汚辱名號不及等倫天下平

定已後曾無尺寸可數不得預竹帛之編明詔深閔儆戒備具每

事奉循詔命必不敢為國之憂也東觀漢記五年春二月遣將軍龐萌

蓋延擊董憲通鑑輯覽二十一時詔書獨下延而不及萌萌以為延譖已

自疑遂反襲延軍與董憲連和自號東平王屯桃鄉之北紀事本末三十

二延與戰破之東觀漢記案後漢書云萌引軍襲敗延延走北

詔書勞延曰龐萌一夜反畔相去不遠營壁不堅殆令人齒欲相

擊而將軍有不動之節吾甚美之續漢書六年春遣屯長安九年隗

囂死延西擊街泉略陽清水諸屯聚皆定十年與中郎將來歙攻

陷河池乘勝遂進蜀人大懼使刺客刺歙未殊歙馳召延延見歙

因伏悲哀不能仰視歙叱延曰虎牙何敢然今使者中刺客無以

報國故呼巨卿欲相屬以軍事而反效兒女子涕泣乎延收淚强

起受所誠後漢書以病引還拜為左馮翊將軍如故後漢書視事

四年人敬其威信列傳章懷注十三年增封定食萬戶十五年薨

於位子扶嗣後漢書列傳

寇恂字子翼上谷昌平人也後漢紀作上谷北平人案郡國志右

谷北平也郡國志昌平屬廣陽郡劉昭注謂世祖并省上谷永平八年復屬蓋據其初言之也世為著姓後漢書列傳

恂好學為郡功曹後漢紀二太守耿況甚重之更始立使使者徇郡國

曰先降者復爵位恂從耿況迎使者於界上况上印綬使者納之

一宿無還意恂勒兵入見使者就請之使者不與曰天王使者功

曹欲脅之邪恂曰非敢脅使君竊傷計之不詳也今天下初定使

君建節銜命以臨四方郡國莫不延頸傾耳望風歸命今始至上

谷而先墮大信何以號令他郡乎使者不應恂叱左右以使者命

召況況至恂進取綬印帶况使者不得已乃承制詔之况受而歸

及王郎起遣將徇上谷急况發兵後漢書列傳王鳴盛十七北史商推云當作急發况兵

州疑惑多欲從之通鑑三十九恂說況曰邯鄲拔起難可信向今聞大

司馬劉伯升之母弟尊賢下士可攀附也況曰邯鄲方盛力不能

獨拒如何恂對曰今上谷完實控弦萬騎可以詳擇去就恂請東

約漁陽齊心合眾邯鄲不足圖也況然之後漢書列傳會耿弇自薊間

行歸上谷後漢紀二因說況擊邯鄲通鑑三十九乃遣恂至漁陽說太守彭

寵寵遂發兵後漢紀二恂至昌平襲擊邯鄲使者殺之奪其軍遂與況

子弇後漢書列傳及漁陽兵合軍而南後漢書耿弇傳共攻薊誅王郎大將趙

閔等案通鑑敘攻薊於恂還上谷之前及耿弇傳言光武至薊聞

邯鄲兵方到欲南歸弇言今兵從南來不可南行漁陽太守

公之邑人上谷太守弇之父也發此兩郡控弦萬騎邯鄲不足慮

也光武官屬不肯曰死尚南首何為北行入囊中光武指弇曰是

我北道主人也云云則薊當在漁陽上谷之南漁陽兵不所過攻

當攻薊後始與上谷兵合後改次攻薊於恂還上谷之後

下郡邑誅其將帥後漢紀二凡斬首三萬級定涿郡中山涿鹿清河河

間二十二縣遂及光武於廣阿耿弇傳拜恂為偏將軍號承義侯後漢



書列傳耿弇使還領其兵

耿弇

遂破羣賊數與鄧禹謀議禹奇之因奉牛

酒交歡光武南定河內而更始大司馬朱鮪等盛兵據洛陽又并

州未安光武難其守問於鄧禹禹曰寇恂文武備足有牧人御眾

之才非此子莫可使也乃拜恂河內太守行大將軍事後漢書謂

恂曰河內富實帶河爲固北通上黨南逼洛陽吾將因是以濟高

祖留蕭何守關中吾今委卿以河內後漢紀二光武於是北征燕代恂

移書屬縣講兵肄射伐淇園之竹爲矢百餘萬養馬二千匹收租

四百萬斛轉以給軍朱鮪聞光武北而河內孤使討難將軍蘇茂

副將賈彊將兵三萬餘人渡鞏河攻温檄書至恂卽馳出並移告

屬縣發兵會温軍吏皆諫曰洛陽兵渡河前後不絕宜待眾軍畢

集乃可出也恂曰温郡之藩蔽失温則郡不可守遂馳赴之旦日

合戰而馮異遣救及諸縣兵適至恂乃令士卒乘城鼓譟大呼言